

Սիրելի հայրենակիցներ,

2008 թուականը կրնանք ճակատագրական տարի մը համարել մեր զոյգ հայրենիքներուն համար, նկատի ունենալով որ Փետրուար ամսուան ընթացքին թե՛ Կիպրոսի եւ թե՛ Զայաստանի մէջ կայացան նախագահական ընտրութիւններ:

Այս նախագահական ընտրութիւնները անկիւնադարձային կը համարեմ, ի մտի ունենալով թէ երկու պետութիւններն ալ ունին գրաւեալ հողային տարածքներու հարցեր, որոնց լուծման գործընթացը բարդ է, սակայն յոյսով ենք, որ 2008 թուականը ըլլայ արդիւնաւետ տարի մը հարցերը կարգաւորելու հեռանկարով:

Գալով Կիպրահայ համայնքի քաղաքական դիրքորոշումին, վստահ եմ, թէ բոլորդ նկատեցիք թէ այս գծով որդեգրեցի չեզոք կեցուածք, ամէն բանէ առաջ միշտ նկատի ունենալով Կիպրահայ համայնքին ընդհանրական շահերը եւ մեր երկրին՝ Կիպրոսի հարցին բարուք լուծումը: Իմ դիրքս քաղաքական շրջանակներէ ներս եղաւ համագործակցութեան բնոյթ կրող՝ Կիպրոսի որեւէ իշխանութիւններուն նկատմամբ, մէկդի դնելով այս կամ այն կողմին գաղափարախօսական պատկանելիութիւնը:

Կը փափաքիմ տեղեկացնել, թէ ներկայ սորընտիր կառավարութեան քաղաքական դեմքերէն շատերուն հետ ունիմ բաւական լաւ յարաբերութիւններ, որոնք յաջորդող տարիներուն առաւել եւս պիտի ամրապըն-

դեն մեր գաղութի իրաւունքներն ու պահանջները: Իշխանութեան լրիւ անձնակազմին ուղղեցի շնորհաւորագիրներ, փոխանցելով իմ ու գաղութիս ջերմ բարեմաղթութիւնները, յայտնելով մեր զօրակցութիւնը անոնց ստանձնած դժուարին առաքելութեան մէջ:

Իսկ Մարիոս Կարոյեանի Խորհրդարանի Նախագահ ընտրուելու նախօրեակին եղած անհիմն ամբաստանութիւնները անոր հայկական ծագումին առնչութեամբ, մամլոյ ուղղուած հաղորդակցութեամբ մը խիստ ձեւով դատապարտեցի, որպէս Կիպրոսի սահմանադրութեամբ ընդունուած եւ ճանչցուած կրօնական փոքրամասնութիւն, համահաւասար քաղաքացիի իրաւունքներով եւ պարտաւորութիւններով:

Սիրելիներ,

Գալով մեր առօրեայ աշխատանքներուն, 2008 թուականի առաջին եռամսեան եղաւ կառուցողական, որուն արդիւնքը պիտի ստանանք յառաջիկայ ամիսներուն եւ տարիներուն ընթացքին:

Մեծ յաջողութեամբ կազմակերպեցինք Հայաստանի Հանրապետութեան Յունաստանի եւ Կիպրոսի դեսպանատան Հիւպատոսի այցը, որ սերտ գործակցութեան արդիւնք էր, գոհացում տալով Կիպրոս բնակչութիւն հաստատած Հայաստանի քաղաքացիներու հիւպատոսական հարցերուն:

Վստահ եմ, որ ձեզմէ շատերը այս «Լրատու»ի թիւին մէջ կը սպասէին գտնել Մակարավանք ուխտագնացութեան թերթիկը, սակայն այս տարի որոշեցինք չհրագործել այս մէկը, նկատի ունենալով որ Յոյն ուղղափառ եկեղեցւոյ Ս. Չատիկը (27 Ապրիլ) կը զուգարդիպի Մակարավանք այցելութեան թուականին նախավերջին շաբթուան եւ այս առիթով պաշտօնական

հրամաններու եւ կառավարական գրասենեակներու հետ կապուած աշխատանքներուն կարգաւորումը, որ մեր փորձառութենէն մեկնելով կ'ամբողջանար վերջին շաբաթներուն, արգելք պիտի հանդիսանայ մեր կողմէ կարելոր դասաւորումներուն: Այս բոլորին կողքին կու գայ աւելնալու Մայիս 1-ի արձակուրդը: Յետեւաբար, շնորհակալութիւն կը յայտնենք ձեր ազնիւ հասկացողութեան:

Սօտալուտ ծրագրուած ձեռնարկները կազմակերպուած են Երեսփոխանական Գրասենեակի Երիտասարդական Յանձնախումբին կողմէ՝ նիւթ ունենալով ճամբու Ապահովութեան Կանխագգուշութիւն (Raising Road Safety Awareness), որոնք տեղի պիտի ունենան Մայիս 9-ին եւ Մայիս 16-ին յաջորդաբար, Նիկոսիոյ Bank of Cyprus-ի կեդրոնական շէնքին «Solona Triantafyllides» սրահին մէջ: Նկատի ունենալով, որ ճամբու արկածներու ցանկի վրայ Կիպրոս կը հանդիսանայ 2-րդ երկիրը Յունաստանէն ետք, կոչ կ'ուղղենք մեր սիրելի երիտասարդներուն եւ ծնողներուն անպայման ներկայ գտնուիլ, մօտէն լսելու եւ ծանօթանալու ճամբու արկածներուն պատճառներուն եւ անոնց ունեցած ծանր անդրադարձը մարդոց կեանքին մէջ (տեսնել ներփակուած թերթիկ):

Խօսքս վերջացնելով, Հայ Առաքելական Եկեղեցւոյ Ս. Չատիկին առիթով ընդունեցէք իմ սրտագին մաղթանքները:

Քրիստոս յարեաւ ի մեռելոց, օրհնեալ Է Յարութիւնն Քրիստոսի:

Վարդգես Մահտեսեան

Կիպրահայ Համայնքի Պետական Ներկայացուցիչ

ԵՌԱՄՍԵԱՅ ԳՈՐԾՈՒՆԵՈՒԹԻՒՆ

Քաղաքացիական հարցեր եւ կեցութիւն

Քաղաքացիական հարցերու գծով տարուած աշխատանքները նոյն ձեւով շարունակուեցան, ի մասնաւորի կեցութեան եւ աշխատանքային արտօնագիրներ ապահովելու կապակցութեամբ: Երկու անհատներ, մէկը Նիկոսիայէն, իսկ միւսը Լառնաքայէն, ստացան աշխատանքային արտօնագիր: Հոս յարմար կը նկատենք յիշելու, թէ աշխատանքային արտօնագիր ապահովելու գործողութիւնը կ'ենթադրէ շուրջ 2 ամիս աշխատանք եւ հետապնդում:

Կիպրոս անօրէն բնակած ըլլալուն պատճառով, հայրենակից մը բանտարկութիւն եւ երկրէն դուրս արտաքսում ստացաւ, սակայն Պրն. Մահտեսեանի միջամտութեամբ արտաքսման որոշումը բեկանուեցաւ եւ անհատը ազատ արձակուեցաւ 3 ամսուայ կեցութեան արտօնագիրով:

Գալով կեցութեան հրամաններուն, անոնց առաքումը Մարտ ամսուան ընթացքին յապաղում արձանագրեց, Ներքին Գործոց Նախարարութեան Օտարահպատակներու եւ Ներգաղթի Բաժանմունքին (Alien & Immigration Unit) համակարգիչներու ցանցի (computer network system) անգործութեան պատճառով:

Այցելութիւն բանտարան

Նոր Տարուան առիթով Ուրբաթ, 21 Դեկտեմբեր 2007-ին, Պետական Ներկայացուցիչը, ընկերակցութեամբ Տէր Մոմիկ Քհնյ. Հապէշեանի, այցելեց բանտարան եւ մօտէն տեսակցութիւն ունեցաւ հայ բան-

տարկեալներուն հետ:

Այցելութիւն «Գալայճեան» Հանգստեան Տուն

Կիրակի, 30 Դեկտեմբեր 2007-ին, Տէր եւ Տիկին Վարդգէս Մահտեսեան, ընկերակցութեամբ Թեմիս Կաթողիկոսական Փոխանորդ Արք. Վարուժան Հերկելեանի, այցելեցին «Գալայճեան» Հանգստեան Տուն եւ



Ամանորեայ անհատական նուէրներով պատուեցին մեր տարեց հայրերն ու մայրերը, շնորհաւորելով անոնց Նոր Տարին եւ Ս. Ծնունդը:

Շնորհաւորական գիրեր

Կիպրահայ Համայնքի Պետական Ներկայացուցիչը նամակով մը Հինգշաբթի, 21 Փետրուար 2008-ին թե՛

Կիպրահայ գաղութին անունով եւ թէ անձնապես շնորհաւորեց Յայաստանի Հանրապետութեան վարչապետ Պրն. Սերժ Սարգսեանի ընտրութիւնը՝ իբրեւ նախագահ Յայաստանի Հանրապետութեան, յուսալով որ յառաջիկայ տարիներուն Յայաստանի քաղաքական կեանքը ալ աւելի կ'ամրապնդուի ու մեր պետականութիւնը կը զօրանայ ի նպաստ մեր ժողովուրդի գերագոյն շահերուն:

Երեքշաբթի, 26 Փետրուար 2008-ին, Պրն. Վարդգես Մահտեսեան յատուկ շնորհաւորագիր մը յղեց Կիպրոսի Հանրապետութեան նորընտիր նախագահ Պրն. Տիմիթրիս Խրիստոֆիասին, շնորհաւորելով զայն եւ յայտնելով Կիպրահայ գաղութի զօրակցութիւնը մասնաւորաբար Կիպրական հարցին լուծման գծով: Շարունակելով, Պետական Ներկայացուցիչը վստահութիւն յայտնեց, թէ Պրն. Խիստոֆիաս պիտի շարունակէ հետաքրքրութիւն ցուցաբերել ապահովելու Կիպրահայ համայնքի ազգային, կրօնական եւ մշակութային արժէքները այս կղզիէն ներս, որը մենք իբրեւ հայրենիք կը ճանչնանք:

Իսկ Ուրբաթ, 29 Փետրուար 2008-ին, Պրն. Մահտեսեան անհատական շնորհաւորագիրներ ուղղեց նորանշանակ Նախարարներուն, բոլորին մաղթելով յաջողութիւն իրենց ստանձնած առաքելութեան մէջ:

Երեքշաբթի, 11 Մարտ 2008-ին, Պրն. Վարդգես Մահտեսեան նամակով մը շնորհաւորեց Յայազգի Պրն. Մարիոս Կարոյեանը Կիպրոսի Խորհրդարանի նախագահ ընտրուելուն առիթով, մաղթելով անոր արդիւնաւետ գործունեութիւն, ինչպէս նաեւ որպէս Կիպրահայ Համայնքի Պետական Ներկայացուցիչ իր լրիւ զօրակցութիւնը ու գործակցութիւնը յայտնեց անոր:

Մամլոյ Հաղորդագրութիւն

Կիրակի, 2 Մարտ 2008-ին, Պրն. Կարդգես Մահտեսեան մամլոյ հաղորդագրութեամբ մը իր ընդվզումը յայտնեց Մարիոս Կարոյեանի խորհրդարանի նախագահութեան թեկնածութեան վերաբերեալ եղած անտեղի յայտարարութիւններուն, որոնք ցեղապաշտութեան սահմաններուն կը մօտենան եւ կը վերաբերին Պրն. Կարոյեանին հայկական ծագումին:

Ան իր հաղորդագրութեան մէջ նշեց, թէ Կիպրոսի հայերը երկար ու արժանապատիւ ներկայութիւն ունին Կիպրոսի մէջ եւ Հայ համայնքի ընկերային, մշակութային եւ քաղաքական հաւասար իրաւունքները ճանչցուած են Սահմանադրութեամբ, ճիշդ այնպէս, ինչպէս Կիպրոսի Հանրապետութեան բոլոր քաղաքացիներուն իրաւունքները: Շարունակելով, ան դատապարտեց նման վերաբերումները, որոնք չեն վայելեր Եւրոմիութեան անդամ Կիպրոսի Հանրապետութեան, աւելցնելով, որ բոլորս պէտք է կեդրոնականք գտնելու կիպրական հարցին արդար եւ մնայուն լուծում մը, որ պիտի ապահովէ Յոյն, Թուրք, Հայ, Մարոնիթ եւ Լատին կիպրացիներու հաւասար իրաւունքները:

Վերոյիշեալ հաղորդագրութիւնը լոյս տեսաւ գրեթէ Կիպրոսի բոլոր տեղական օրաթերթերուն մէջ, ներառեալ Լիբանանի «Ազդակ» օրաթերթի 14 Մարտ 2008 թուակիր հրատարակութեան մէջ:

Պետական-պաշտօնական մակարդակի հանդիպումներ

Ուրբաթ, 21 Դեկտեմբեր 2007-ին, Պրն. Մահտեսեան հանդիպում մը ունեցաւ Շուէտի Կեթըպօրկ Պատմութեան Ընկերակցութեան պատասխանատու

Դոկտ. Յոլմըն Պեմկեթի հետ:

Ուրբաթ, 11 Յունուար 2008-ին, Պետական Ներկայացուցիչը հանդիպեցավ Փոքրամասնութիւններու Իրաւունքներու Միջազգային Խմբակցութեան անդամ Տիկ. Մաթիլտե Սերավոլոյի հետ:

Յինգշաբթի, 31 Յունուար 2008-ին, Պրն. Մահտեսեան տեսակցութիւն մը ունեցաւ Կիպրոսի Երոպական Կազմակերպութեան տնօրէն Դոկտ. Նեօֆիտոս Խրիստիոսի հետ, քննարկելու Երոպական յատկացումներէն օգտուելու կարելիութիւնները, մեր գրասենեակին կողմէ անցեալ տարի Ծրագրումներու Գրասենեակ ներկայացուցած մեծածախս երեք ծրագիրներուն կապակցութեամբ:

Յինգշաբթի, 7 Փետրուար 2008-ին, Պետական Ներկայացուցիչը հանդիպում մը ունեցաւ Նիկոսիոյ քաղաքապետ Տիկ. Էլէնի Մաւրույի հետ, ներկայութեամբ Թեմական ժողովի ատենապետ Պրն. Սեպուհ Դաւիթեանի եւ ARC+ ճարտարապետական ընկերութեան ներկայացուցիչներու: Տեսակցութիւնը կը վերաբերէր «Լիտրա Բալաս»ի հայկական հին գերեզմանատան վերանորոգութեան հետ կապուած կարգ մը աշխատանքներուն:

Յինգշաբթի, 14 Փետրուար 2008-ին, Եւթոնիայի Թալլին քաղաքապետարանի պատուիրակութիւն մը, գլխաւորութեամբ Պրն. Թոմաս Վիթսուրի, հանդիպում ունեցաւ Պրն. Մահտեսեանին հետ:

Ուրբաթ, 22 Փետրուար 2008-ին, Պետական Ներկայացուցիչը, ներկայութեամբ Թեմական ժողովի ատենապետ Պրն. Սեպուհ Դաւիթեանի եւ ճարտարապետ Պրն. Ճոն Կելիերեանի, տեսակցութիւն մը ունեցաւ UNDP-ACT Ծրագիրներու պատասխանատու Դոկտ.

ժագօ Սիլլերզի հետ, Վիքթորիա փողոցի մէջ գտնուող Ս. Աստուածածին եկեղեցւոյ վերանորոգութեան աշխատանքներուն կապակցութեամբ:

Շաբաթ, 23 Փետրուար 2008-ին, Հայաստանի Պետական Համալսարանի Տնտեսագիտութեան բաժանմունքի փոխ-տնօրէն Դոկտ. Վարդան Սարգսեան եւ Առեւտուրի փոխ-նախարար Պրն. Վահրամ Դուլչեան, որ Կիպրոս կը գտնուէին ուսումնական աշխատանքներու գծով, հանդիպում մը ունեցան Պրն. Մահտեսեանին հետ:

ՀՀ Յունաստանի եւ Կիպրոսի Դեսպանատան Հիւպատոսի այց

Եռօրեայ այցելութեամբ Հինգշաբթի, 31 Յունուար 2008-ին Կիպրոս ժամանեց ՀՀ Յունաստանի եւ Կիպրոսի Դեսպանատան Հիւպատոս Տիկ. Լիլիթ Սարգսեան:



Այս այցելութիւնը կազմակերպուած էր նախաձեռնութեամբ Պետական Ներկայացուցիչ Պրն. Վարդգէս Մահտեսեանի եւ համագործակցութեամբ ՀՀ Յունաստանի եւ Կիպրոսի Դեսպան Պրն. Վահրամ Կաթոյեանի, դիրացնելու համար Կիպրոս ժամանակաւոր կամ մշտական բնակութիւն հաստատած Հայաստանի Հանրապետութեան քաղաքացիներու անցագիրի հետ կապուած հարցերը:

Նախապէս ապահովուած ժամադրութիւններով, Կիպրոսի բոլոր քաղաքներէն Կիպրահայ Համայնքի

Պետական Ներկայացուցիչի գրասենեակ ներկայացան աւելի քան 40 անհատներ ու ընտանիքներ, որոնք իրենց գոհունակութիւնը յայտնեցին այս կարգաւորումին գծով: Իր կարգին Յիւպատոս Տիկ. Լիլիթ Սարգսեան բարձր գնահատեց գրասենեակին կողմէ տարած բժախնդիր աշխատանքը եւ ձեռք ձգուած յաջող արդիւնքին պատճառով որոշուեցաւ շարունակել պարբերական այցելութիւնները:

Ձեռնարկներու ներկայութիւն

Երեքշաբթի, 25 Դեկտեմբեր 2007-ին, Տէր եւ Տիկին Վարդգէս Մահտեսեան Ներկայ գտնուեցան Լառնաքայի Ս. Ստեփանոս եկեղեցւոյ անուանակոչութեան արարողութեան:

Երեքշաբթի, 25 Դեկտեմբեր 2007-ի երեկոյեան, Տէր եւ Տիկին Վարդգէս Մահտեսեան հրաւիրուելով ներկայ գտնուեցան Զ.Ե.Ս.-ի տարեկան պարահանդեսին, որ տեղի ունեցաւ Նիկոսիոյ «Յիւթըն» պանդոկին մէջ:

Ուրբաթ, 28 Դեկտեմբեր 2007-ին, Տէր եւ Տիկին Վարդգէս Մահտեսեան ներկայ գտնուեցան «Յայրենեաց Ձայներ» տօնական համերգին, որ կազմակերպուած էր Կիպրոս-Յայաստան Բարեկամութեան Միութեան կողմէ: Այս ձեռնարկը կը վայելէր Պետական Ներկայացուցիչին հովանաւորութիւնը:

Կիրակի, 20 Յունուար 2008-ին, Պետական Ներկայացուցիչը եւ Տիկինը ներկայ գտնուեցան Մելգոնեան բարերարներու եւ Յրանդ Տիկնի հոգեհանգստեան արարողութեանց:

Կիրակի, 27 Յունուար 2008-ին, Տէր եւ Տիկին Մահտեսեան ներկայ գտնուեցան Թեմիս Կաթողիկոսական Փոխանորդ Վարուժան Արք. Յերկելեանի 40ամ-

եայ Յորբելենական տոնակատարութեան ու ճաշկերոյթին, որու ընթացքին խօսք արաւ Պրն. Մահտեսեան, գնահատելով Վարուժան Սրբազանի ծառայութիւնը ու նուիրումը հանդէպ Հայ եկեղեցւոյ եւ Կիպրոսի գաղութին:

6 Մարտ եւ 11 Մարտ 2008-ին յաջորդաբար, Տէր եւ Տիկին Վարդգէս Մահտեսեան ներկայ գտնուեցան Ազգային Առաջնորդարանի կազմակերպած գոյգ ձեռնարկներուն, մասնակցութեամբ Ալեքսանդր եւ Անահիտ Թոփչեաններու:

Չորեքշաբթի, 19 Մարտ 2008-ին, Տէր եւ Տիկին Վարդգէս Մահտեսեան ներկայ գտնուեցան Համագգայինի «Օշական» մասնաճիւղի կազմակերպած «Վերելք» երգիծական ներկայացումին: Ձեռնարկը կը հովանաւորէր Պետական Ներկայացուցիչը:



Ճանօթանանք Կիպրոսի Հանրապետության Օրենքերուն

Ինքնութեան Թուղթ (Identity Card)

Կիպրոսի Հանրապետության Ինքնութեան Թուղթերը երկու տեսակի են.-

1. **Քաղաքային Ինքնութեան Թուղթ (Civil Identity Card)**
2. **Գաղթականի Ինքնութեան Թուղթ (Refugee Identity Card)**

1. Քաղաքային Ինքնութեան Թուղթ (Civil Identity Card)

Իւրաքանչիւր անհատ որ ամբողջացուցած է 12 տարիքը, պարտաւոր է ունենալու Քաղաքային Ինքնութեան Թուղթ:

Քաղաքային Ինքնութեան Թուղթ կրնան ստանալ հետեւեալ անձերը.-

- ♦ Կիպրահայատակներ
- ♦ Կիպրական ծագում ունեցող անհատներ
- ♦ Օտարերկրացիներ, որոնք օրինաւոր կարգավիճակով ժամանակաւոր կամ մնայուն բնակութիւն հաստատած են Կիպրոսի մէջ:

2004 թուականէն սկսեալ, անոնք որոնք կը փափաքին փոխարինել իրենց Ինքնութեան Թուղթերը զանազան

պատճառներով (հին, փճացած, կորսուած ելն.) կը ստանան Նոր տեսակի (Եւրոպական) Քաղաքային Ինքնութեան Թուղթ, դիմումին կցելով հետեւեալ փաստաթուղթերուն պատճենները.-

- ♦ Յատուկ լրացուցիչ դիմումնագիր
- ♦ 1 լուսանկար 4 x 3 սմ. հաստատուած համայնքի նտարին կողմէ, իսկ անձամբ ներկայանալու պարագային հաստատումի կարիք չկայ
- ♦ Ամուսնութեան վկայագիր կամ ամուսնալուծման վկայագիր (եթէ մականունի փոփոխութեան հարց կայ)
- ♦ Անձնագրի պատճեն, եթէ անհատը երկքաղաքացի է
- ♦ Օտարերկրացի սակայն Կիպրոս օրինաւոր բնակութիւն հաստատողներուն համար, ներկայացնել Օտարերկրացի գրանցումի տետրակ (Alien Registration Certificate), բնակութեան արտօնագիր (Residence permit) եւ Ծննդեան վկայագիր (Birth Certificate), անշուշտ վերջինս պէտք է թարգմանուած ըլլայ Յունարէնի կամ Անգլերէնի
- ♦ Սակ Եւրօ 8.54

Դիմումները կը յանձնուին Նահանգային Գրաստեւակներ (Γραφεία Επαρχιακών Διοικήσεων) կամ Քաղաքացիներու Սպասարկութեան Կեդրոններ (Κέντρα Εξυπηρέτησης του Πολίτη):

2. Գաղթականի Ինքնութեան Թուղթ (Refugee Identity Card)

Գաղթականի Ինքնութեան Թուղթ կը տրուի անձնական կալուածներէ տեղահան եղած անհատներուն:

Տեղահան կը նկատուին այն անհատները.-

- ♦ Որոնք, մինչեւ ներխուժումը եւ ներխուժումէն առաջ, կը բնակէին գրաւեալ շրջաններուն մէջ

- ♦ Որոնք, մինչեւ ներխուժումը եւ ներխուժումէն առաջ, կը բնակէին ազատ շրջաններուն մէջ ասպարեզի պատճառով, սակայն անձնական բնակարան ունէին գրաւեալ շրջաններուն մէջ

- ♦ Որոնք, մինչեւ ներխուժումը եւ ներխուժումէն առաջ, առժամաբար օտար երկիրներ կ'ապրէին, Կիպրոս բնակած ժամանակաշրջանին իրենց առաջարկուած մնալուն կամ ժամանակաւոր պարտաւորութիւններուն բերումով, այն պայմանով որ ներգաղթողներ չեն

Գաղթականի հնքութեան Թուղթի դիմում կրնան ներկայացնել վերոյիշեալ պայմաններով անհատները, իրենց դիմումին կցելով հետեւեալ փաստաթուղթերուն պատճենները.-

- ♦ Յատուկ լրացուցիչ դիմումնագիր
- ♦ Ամուսնութեան վկայագիր կամ Ամուսնութեան/Նշանտուգի յայտարարութիւն թերթի մը մէջ
- ♦ Ծննդեան վկայագիր
- ♦ Ծնողքի Գաղթականի հնքութեան Թուղթեր
- ♦ Ծնողքի հնքութեան Թուղթերու թիւեր

Յաւելեալ տեղեկութիւններու համար հեռաձայնել
22-867664 թիւին:

ՄՕՏԱԼՈՒՏ ՁԵՌՆԱՐԿՆԵՐ

**Ճամբու Ապահովութեան
Կանխագգուշութիւն**

Երեսփոխանական Գրասենեակի կազմակերպութեամբ եւ երկու բաժինով ձեռնարկներ տեղի պիտի ունենան Նիկոսիոյ Bank of Cyprus-ի Կեդրոնական շէնքին «Solona Triantafyllides» սրահին մէջ, ինքնաշարժի արկածներու կանխարգիլման միջոցներուն մասին եւ յետ արկածի պատճառած դժուարութիւններուն ազդեցութիւնը անհատներուն եւ ընտանիքի անդամներուն վրայ:

Ձեռնարկները պիտի ընդգրկեն.-

- Տեսաերիզի ցուցադրութիւն
- Խօսք արկածահար երիտասարդներու եւ ծնողներու
- Խօսք ճամբու ապահովութեան խորհրդատու Անտրեաս Փափասի

Առաջին մաս

Ուրբաթ, 9 Մայիս 2008, կ.ե. ժամը 8.00-ին

Երկրորդ մաս

Ուրբաթ, 16 Մայիս 2008, կ.ե. ժամը 8.00-ին

14 տարիքէն վեր բոլորին ներկայութիւնը քաջալերելի է օգտուելու այս իւրայատուկ ձեռնարկներէն:

Մուտքը ազատ

Վարդգես եւ Մակի
Մահտեսեաններ
Քրիստոսի Յարութեան
Սուրբ տօնին առիթով
ի սրտէ կը շնորհաւորեն
Կիպրահայ Չամայնքը,
մաղթելով առողջութիւն եւ
արեւշատութիւն:

*Քրիստոս յարեալ ի մեռելոց,
օրհնեալ է Յարութիւնն Քրիստոսի*

ԿԻՊՐԱՅԱՅ ՀԱՄԱՅՆՔԻ ՊԵՏԱԿԱՆ ՆԵՐԿԱՅԱՑՈՒՑԻՉԻ ԳՐԱՍԵՆԵԱԿ

Քաղաքական Գրասենեակ

9B & C Kastorias Street, Ayia Paraskevi, 2002 Strovolos
Հեռախօս 22- 45 45 40, Հեռատիպ 22- 42 46 42
Ել. Հասցէ office@armenianmp.com
Ոստայնէջ՝ <http://www.armenianmp.com>

Խորհրդարանական Գրասենեակ

Office Δ-2-2, House of Representatives, 1402 Nicosia
Հեռախօս 22- 40 72 02, Հեռատիպ 22- 40 74 42
Ել. Հասցէ vmahdessian@parliament.cy